



Kamis, 14 Januari 2020

Ogen: Kejadin 25:22-26



Biak I Bas Bertin Nari



Biak jelma alu la sisedari nggo lit i bas bertin nande nari, Benggo iaturken Dibata kerina uga bentuk jenis kelaminna, bentuk tulan ras kecibalna bage pe biakna. E maka perlu nge anak-anak tupung bas bertin pe ibereken pengajaren ras si mehuli gelah biakna pagin mehuli kenca ia tubuh ku doni enda. Adi tupung natang tuah si nande megati dat tekanen, megati tangis ras sedih maka anak si lit i bas bertin e pe lit nge dampakna man bana kenca ia tubuh ras kenca ia mbelin. Emaka perlu kita melala erlajar kerna biak anak si lit ibas bertin nandena gelah anakta e pe banci bertumbuh ku biak si mehuli. Tupung Esau ras Jakup anak si rindu (kembar) e lit i bas bertin Ribka, cibalna petembil. Nina Tuhan man Ribka lit dua bangsa i bas bertinndu maka duana bangsa e ermusuhen. Janah gegehen agina asangkan kakana, sintua jadi suruh suruhen si nguda. Sintua rupana megara, kulitna bagi jubah si ermbulu emaka bahanlah gelarna Esau, sanga tubuh si Jakup enteguh kal icikepna tukul-tukul Esau emaka ibahan me gelarna Jakub. Tupung Ribka mupus anakna enda duana umur Ishak paksa si e 60 tahun. Arah turi-turin enda iidah maka Tuhan meteh uga biak anak si lit I bas bertin nande. Janah bentuk ras kecibal anak e pe tangkas kerina man Dibata. Masa depanna pe tangkas. Emaka ise kita situhuna tangkas kerina iadepen Tuhan. Ras uga kita pagi kerina ieteh Tuhan. Rancangan geluhta, masa depanta kai si jadi pagi i bas kita kerina enggo tangkas man Tuhan, alu bage banci kita ngataken bujur kerna kerina si jadi i bas kegeluhenta. Biak si ibereken Dibata man anak-anak si I abs bertin e ugapape si mehuli, saja bas prosese pembentukenna kenca tubuh ku doni enda banci rubah erkiteken pengajaren ras lingkungan inganna tading. Emaka kita nande sekaligus guru si jadi anuten man anak i bastumbuh kembangna. Gelah ola lingkungan ras kalak sideban buen mbentuk karakterna tapi kita lah nandena si ngajarken ras nuanken pengajaren si mehuli man bana. Tetap jadi nande si mehuli ras mediate man anak anakta.

 *Tuduhkan tetap biak si mehuli man anak*